



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Opera Deß H. hocherleuchten Vatters Basilij Magni,
Ertzbischoffen zu Cæserea in Cappadocia**

Basilius <Caesariensis>

Jngolstatt, 1591

VD16 B 647

Die 14. Frag. Von denen/ die sich selber Gott verlobt vnnd versprochen/
vnd hernach jhr Gelübd zubrechen begeren.

urn:nbn:de:hbz:466:1-38656

Antwort. Die jenigen aber/ so sich auß der Ehe/ in einen solchen Stand begeben wollen/ sollen gefragt werden/ ob das mit Bewilligung des andern Ehegossen Beschehe/ nach dem Befelch des Apostels/ da er spricht: Der Mann ist seines eignen Leibs nicht mächtig/ &c. Vnnd alsdann mag der/ so in der Religion vnd geistlichen Stand zukommen begeret/ vor vilen Gezeugen/ an vnd auffgenommen werden: Dann dem Gehorsam gegen Gott/ ist nichts fürzuziehen: So aber der ein Theyl solchem zuwider strebt/ vnd des Lebens/ so dem Herrn gefälle/ weniger achtet/ so werde der Apostel eingeführt/ der also spricht: Gott hat vns in dem Joch beruffen/ gleichfalls das Gebott des Herrn erfüllet/ so dermassen lauter: So vns jemand nachfolget/ vnd nicht Vatter vnd Mutter/ Weib vnd Kinder/ &c. halbet/ der kan nicht mein Jünger seyn. Dann dem Gehorsam gegen Gott/ ist nichts fürzuziehen. Wir aber haben durch vil Exempel erfahren/ das oftmal das End vnd Zihl des Menschen Lebens/ mit embsigem Gebett vnd ordentlichem Fasten erreicht worden ist/ das auch der Herr endlich die Vnglaubigen etwan durch Leiden/ zu einem rechten Sinn vnd Verstand gezogen.

Die 13. Frag. Das denen/ die zu vns treten/ die Übung des
Stillschweigens gut vnd nuschlich seye.

Antwort. Denen/ so anfänglich vns zugeführt werden/ ist die Übung des Stillschweigens vber die Massen gut/ Dann die ihr Zungen also regieren/ verhalten sich hierdurch/ das sie vertrawet seynd/ vnd wol et was in geheym behalten/ vnd auch mögen sie durch gedachtes Stillschweigen mit Fleiß von denen etwas lernen/ die auß Weisheit vnd Verstand zu reden wissen/ nemlich wie sich zu fragen/ vnd einem jedweden/ der Gebür nach/ zu antworten gezimme: Dann die Gotsföhren ihren Stimm in gewissem Thon/ vnd haben ein besondere Weis zu reden/ stücken auff die Gelegenheit der Zeit/ vnd auff die Eigenschaft der Wort/ so ihnen gemeyn vnd gebräuchlich/ welches dem zuegreiffen vnmöglich ist/ der sich nicht seiner vorigen Art entwöhnet/ vnd durch das Stillschweigen (welches ihm von langwieriger Enthaltung/ die vergangne Ding in seiner Gedächtnuß außzulger/ vnd Erinnerung vnd Ergründung des Guten/ mancherley Vrsach gibt) ein solches zuwege bringt. Derwegen/ wo nicht ein sondere Not vorhanden/ die einweder die Sorgen der Seelen/ oder die Versaumnuß der Arbeyt/ so wir vnder Händen habet/ betriefft/ oder sonst ein vnuermeydenliche Frag fürfalle/ wil sich in allweg zuschweigen gebüren/ außser dem Psalmengesang/ das seinen Weg hat.

Die 14. Frag. Von denen/ die sich selber Gott verlobt vnd versprochen/ vnd hernach ihr Gelübd zubrechen begeren.

Antwort. Ferner/ so ist einweder auß denen/ so in die Religion vnd geistlichen Orden auffgenommen worden/ vnd nachmals seiner Verlobnuß vnd Verheiß hinder sich gebet/ nicht anderst zubalten/ weder als einer/ so in Gott gesündiget/ dem er sein Treu vnd Gelübd versprochen vnd gegeben hat. So aber jemand der Gott sündigt/ sagt die Schrifft/ wer wil für denselbigen bitten: Dann wer sich Gott dem Herrn verlobt/ vnd ihm darnach ein anders Leben erwöhlet/ der ist ein meynâydiger Kirchenrauber/ der sich selber stelle/ vnd die Gab/ so Gott verleiht/ vnd auffgeopfert ist/ entfremden thut. Es ist auch der Vernunfft nach billich vnd gebürlich/ das denselbigen die Thür der Brüder nicht mehr geöffnet werde/ ob sie schon nach langer Reys in der Kälte vollbracht/ nur vnder dem Tach zu wohnen begeren: Dann die Regel des heiligen Apostels ist offenbar/ der vns befiehlt/ das wir vns/ von einem jeden/ der vnordentlich lebt/ abziehen/ vnd mit ihm kein Gemeynschafft haben sollen/ auff das er schamrot werde.

1. Cor. 7.
Die Eheleut
mögen mit Ver
willigung des
Ehegossen/
vor vilen Ge
zeugen in den
geistlichen Or
den an vñ auff
genommen
werden.
Matt. 10. 36.

Wachtu das
Stillschweige
im Klosterle
ben/ vnd bey
den Geistlichen
gut vnd nusch
lich sey.

1. Reg. 2.

Das die auß
geprungene
Mönch menn
würdige Dieb
seyen.